

DISPUTATIO THEOLOGICA

De

BAPTISMO;

Quam

Euv. Thes.,

Sub præsidio

REVERENDI ET CLARISSIMI VIREI, DN. M. JOHANNIS PISCATORIS SACRARUM LITERARUM IN ILLUSTRI SCHOLÆ NASSOVICÆ-Herbornensi professoris & præceptoris
sui summè honorandi,

Ad publicam cunctis propositam pro virili defendet

JOHANNES MERCATOR Mörsensis.

Ad diem 15. Decembrie.



HERBORNÆ NASSOVIORVM
Ex officina Christophori Corvini.

ANNO 1604.

SPECTATISSIMO, CONS
ULTISSIMOQUE VIRO DN.
ARNOLDO STÜNING PRÆTORI IN
CLUTÆ REIPUBL. MÖRSensis DIGNISSIMO.

ITEM.

PIO ET HONESTO VIRO DN. WILHELMO GE
VENICH civi Coloniensi prudentissimo.

XECANO

ARNOLDO MERCATORI patri suo honorando.

ET

MICHAELI MERCATORI } fratribus suis germanis:
WILHELMO MERCATORI }

Has theses inscribit & strena
loco mittit

RESPONDENS.



DE BAPTISMO

THEISIS I.

Vocabulum Baptismus, Græcè ὁ βαπτισμός & τὸ βάπτισμα, significat in scripturâ mersionem, immersionem, intinctionem in aquam, nec non ablutionem: & ortum est à verbo βαπτίζω, quod est à βάπτω, id est mergeo, seu immergo, & ex consequenti abluo.

II.

Hæc vox de variis ablutionibus usurpatatur in sacris literis: ut videre est Marc. 7. v. 4. & Luc. 11. v. 38. Nos hoc in loco accipimus pro ceremonia novi Testamenti à Christo instituta.

III.

Baptismus igitur, hoc sensu voce acceptâ, est primum novi Testamenti Sacramentum institutum à Filio Dei *a*, quo is fidelibus aquâ, *b* in nomen Patris, Filii & Spiritus sancti per ministrum Ecclesiæ baptizatis *c*, testatur peccatorum remissionem *d*, naturæ per Spiritum sanctum regenerationem, societatem cum ipso *e*, atq; itajus vitæ æternæ: quoq; hi vicissim profitentur, se hæc beneficia fide accipere, & hunc Deum sancte colere velle.

a. c. Matth. 28. v. 19. b. Joh. 1. v. 33. d. Act. 2. v. 38. e. Gal. 3. v. 27.

IV.

Dicitur Sacramentum; quia est divinæ erga nos gratiæ, in Christo testimonium, visibili signo constans.

V.

Dicitur Sacramentum novi Testamenti: quia Christo jam exhibito est institutus, idq; ad hoc ipsum testificandum.

VI.

Dicitur Sacramentū novi Testamenti primum, respectu

secundi, quod est Cæna Domini. Nam per Baptismum in Ecclesiam & societatem Christi recipimur & accensemur. Unde sequitur, neminem esse ad sacram cœnam admittendum, nisi prius baptizatus sit: quemadmodum in veteri Testamento nemo ad Pascha comedendum admittebatur, nisi prius circumcisus esset. Exod. 12. v. 48.

VII.

Præterea institutum dicitur hoc Sacramentum à Filio Dei. Autorem seu caussam efficientem Baptismi non dicimus Johannem, nō Apostolos: sed ipsum Filium Dei. Matth. 28. v. 19.

VIII.

Non Johannem: quia is, tanquam præcursor Christi, & ab eo missus, autoritate & mandato illius baptizavit. Malach. 3. v. 1. Joh. 1. v. 33.

IX.

Non Apostolos: quia illis à Christo traditus est Baptismus in Ecclesia observandus & continuandus. Matth. 28. v. 19.

X.

Sequitur in definitione, *Quo is fidelibus aqua baptizatus*. Materiam sive elementum in hoc Sacramento aquam tantum esse credimus, non aliud liquorem; quia de hac solâ in sacrâ scripturâ extat mandatum a: & ea tantum à fidelibus illis Dei servis, primis Baptismi ministris, Johanne Baptista b, Christo ipso c, Apostolis d, Apostolicisq; viris e, in baptizando est adhibita.

a Joh. 1. v. 33. b Matth. 3. v. 6. c Joh. 3. v. 22. d Joh. 4. v. 2.
e Act. 8. v. 38.

XI.

Cur autem Christus aquam ad hoc Sacramentum delegerit: percipitur ex illius analogia quam habet ad rem significatam.

Nam

XII.

Nam ut aqua abluit sordes corporis: ita sanguis Christi abluit sordes animæ, id est, peccata.

XIII.

Item ut aqua rigat atq; fœcundat terram: ita Spiritus sanctus quasi rigat atque fœcundat corda credentium ad feren-
dum fructus bonorum operum.

XIV.

Quod ad immersionem hominis baptizandi attinet, pu-
tamus, parum referre, utrum baptizandus totus in aquam im-
mergatur, vel solummodo perfundatur: quū utraq; illa actio
abludi viam habeat, quæ hīc potissimum spectatur; ut patet
ex dictis, Act. 22. v. 16. Baptizare & ablue peccata tua: & 1. Pet.
3. v. 21. Cui nunc correspondens exemplar Baptismi, nos quo-
que servat, non quo carnis sordes abjiciuntur, &c. Item 1. Cor.
6. v. 11. Sed abluti estis, sed sanctificati estis, sed justificati estis,
&c. Ephes. 5. v. 26. Postquam eam purgasset lavacro aquæ per
verbum. Interim tamen fatemur, ceremoniam immersionis
mysterio hujus Sacramenti accommodatiorem esse.

XV.

Sequitur in definitione, *In nomen Patris, Filii & Spiritus sancti baptizatis*. Hīc finis baptismi universalis exprimitur: qui
est ut baptizentur credentes in nomen Patris, Filii & Spiritus
sancti: id est, in hunc finem ut testificantur, se credere in De-
um Patrem, Filium & Spiritum sanctum, seq; hunc sanctè ex
ipsius præscripto colere velle.

XVI.

Hoc sensu istam phrasin accipiendam esse, intelligitur
ex verbis Apostoli 1. Cor. 1. v. 12. 13. 14. & 15.

XVII.

Porrò verbis illis additur, *Per ministrum Ecclesie*. Quia Ba-
ptismus ministerii ecclesiastici pars est: quod solis viris man-
datum est. Matth. 28. v. 19.

XVIII.

Unde sequitur, mulieribus baptizare permisum non esse. Nam quum illis in Ecclesiadocere permisum non sit, ad baptizandi munus minimè sunt admittendæ. 1. Cor. 14. v. 34. & 1. Tim. 2. v. 12.

XIX.

Idem judicandum est de viris, qui ad ministerium Ecclesiæ vocati non sunt.

XX.

Sequitur in definitione, *Testatur peccatorum remissionem.* Deinceps exponuntur fines Baptismi speciales: quorum primus hic est. Testatur autem filius Dei fidelibus remissionem peccatorum per baptismum, quatenus eam illis obsignat sub imagine purgationis seu ablutionis.

XXI.

Quemadmodum enim aquâ purgantur atq; abluuntur sordes corporis: ita sanguine Christi in cruce effuso purgantur sordes animæ omnium illorum, qui sanguinem illum pro se effusum credunt. Act. 22. v. 16. Ephes. 5. v. 26. Joh. 1. v. 7.

XXII.

Colligendum autem hinc non est, eam remissionem dari ex opere (ut loquuntur) operato, quasi in aqua delitescat sanctitas aut Spiritus sanctus, eâve externo contactu nos regeneret: sed per verbum & symbolum externum significatur nobis reconciliatio cum Deo per Christum facta: quam si fide apprehendimus, tum & justificamur & sanctificamur.

XXIII.

Secundus finis in definitione sequitur, his verbis, *Natura per Spiritum sanctum regenerationem.*

XXIV.

Hanc similiter per baptismum fidelibus testatur Christus sub imagine ablutionis. Nam quemadmodum aquâ abluuntur

4
Iuuntur cordes corporis, ita Christus per Spiritum sanctum naturam nostram regenerando, illam a cordibus peccati inherenteris indies magis ac magis repurgat: quod significat Paulus Tit.3. v.6. item 1. Cor.6. v.11.

XXV.

Tertius finis additur his verbis, *Et societatem cum ipso, atq; ita jus vitae eternae.*

XXVI.

Hunc finem significat Paulus 1. Cor.12. v.13. ubi ait, Nos omnes per unum spiritum in unum corpus baptizatos esse; id est, in hunc finem, ut sciamus nos esse membra corporis mystici (nempe Ecclesiæ) cuius caput est Christus: atq; ita societatem cum Christo habere. Item Gal.3. v.26. & 27. ubi ait, fideles, qui in Christum baptizati sunt, Christum induisse, quam metaphorâ conjunctio fidelium cum Christo atq; societas significatur.

XXVII.

Additur postremò in definitione hæc clausula, *Quoq; hi viciſſim profitentur, se hæc beneficia fide accipere, & hunc Deum sanctè colere velle.*

XXVIII.

Est enim Baptismus solemnis fidei atq; religionis professio: ut percipitur ex his locis: Johan. 4. v.1. ubi habetur, Christum fecisse discipulos baptizando. Act. 2. v.41. ubi dicitur, eos qui sermonem Petri libenter acceperant, baptizatos esse: atq; sic addita esse Ecclesiæ die illo capita quasi ter mille. Act. 8. v.35. & seqq. ubi narratur de Eunucho Aethiope, illum post auditam evangelizationem Philippi, petivisse ab illo baptizari, & editâ confessione fidei baptizatum esse.

XXIX.

Subjectum hujus Baptismi (hoc est, personæ quibus Baptismus jure debetur) sunt, omnes fideles.

XXX.

Per fideles autem intelligimus doctrinam Evangelicam amplectentes ac profitentes: & cum his etiam infantes procreatos & natos ex fidelibus & baptizatis parentibus, sive utroque, sive altero tantum: quia tales infantes in federe Dei comprehenduntur, Gen. 17. v. 7. 1. Cor. 7. v. 14.

XXXI.

Sicut enim in veteri Testamento per circumcisio[n]em æquè infantibus ac adultis ad semen Abrah[ae]mi pertinentibus, ob-signabatur justificatio & regeneratio: sic hæc eadem infantibus Christianorum per Baptismum ob-signanda sunt. Ratio consequentia est: quia Baptismus in locum circumcisio[n]is successit: ut colligitur ex verbis Apostoli Coloss. 2. v. 11. & 12.

EX NOMINE JOHANNIS MERCATORIS,
ADOLESCENTIS INGENIO, PIETATE ET MORI
BUS ORNATISSIMI, AMICI SINGULARIS, DEDUCTUM ANA-
gramma à JOHANNE LEUNESCHLOS Sonbornensi Montano.

JOHANNES MERCATOR


I ARTE HOC NOMEN: A R S.

Evolutio.

Jlle ter est felix Do
Officiis colit. Hinc f
Hand adamas terra t
Abs te, dum pectus
Nomen enim cur
Nancisci faciun
Euge I sic hoc arte l
Sic te culta fide

Minum qui novit, & illu M
Elix tu diceris erg O.
Raetus, sed sacra leguntu R
Calestibus artibus orna S.
Ae clarum doctaq; piequ E
T, & prabent dulce levame N.
Rectum det fidere cal IS.

F I N I S.



ristus per Spiritum sanctum
illam a foribus peccati in-
purgat: quod significat Pau-

bis, *Et societatem cum ipso, atq;*

ulus 1. Cor. 12. v. 13. ubi ait,
in unum corpus baptizatos
sunt nos esse membra corporis
caput est Christus: atq; ita
Item Gal. 3. v. 26. & 27. ubi
sunt, Christum induisse,
cum Christo atq; socie-

tione hæc clausula, *Quoq; hi
e accipere, & hunc Deum sanctè*

fidei atq; religionis profes-
sion. 4. v. 1. ubi habetur, Chri-
sto. Act. 2. v. 41. ubi dicitur,
acciperant, baptizatos esse:
capita quasi ter mille. Act.
vii. 14. Iudeo Æthiope, illum post
ipi, petivisse ab illo baptiza-
tum esse. —

Loc est, personæ quibus Ba-
tieles.